

*Jurisprudentia*

*Kargiski Laurentii*  
*Bursowii Matthiae*  
*Czaplii Stanislaus*

*Quaestio de so-*  
*lutionibus.*

1788



2741 Prawo



# QVÆSTIO

DE

## SOLVTIONIBVS.

*Ad c. cum Canonicis Ext. de Censibus  
iuncta L. Paulus ff. de Solutionibus.*

Q V A M

*Præsidente Adm. Rñdo & Clariss. Dño,*

D. STANISLAO PVDLOWSKI, I. V. Doct.  
& Professore, ad S. NICOLAI  
Præposito. &c. &c.

MM. LAVRENTIVS KARINSKI, MATTHIAS  
BVR SZOWIC, Collegæ DD. I. C. & Nouorû lu-  
rium Professores: & STANISLAVS CZAPLIC,  
Cont: DD. I. C. Senior, pro sui Baccalaureatus  
in utroq; Iure determinañ.

D E C I D E N T.

*Anno Domini 1638. Mens. April. 15.*

*Hora 7.*



15596I

34. V 78.



# IN STEMMA.



Religionis honos, virtutis splendor auitæ;  
In hoc collucent Stemmata purpureo.  
Arma, viri, galeæ, clipeiq; hastæq; sub isto  
Vexillo, faustum præsidium accipiunt.  
Ipsa adeò Patriæ libertas tuta quiescit!  
Felicem ô tanto pignore Sarmatiam.

*M. Ioannes Cyneriski  
Rachtamouius.*



*Illustri ac Magnifico Dño,*  
**D. MICHAELI NICOLAO**  
**DE ZEBZYDO WICE**  
**ZEBRZYDOWSKI:**  
 Lanckoroneñ Capitano, Domino & Pa-  
 trono nostro Colendissimo.



**N**on possumus errare, Illustris & Magnifi-  
 ce D. dum nostram spem honoris à Facul-  
 tate Iurisprudentiæ Augustâ obtinēdi in  
 tuū Tholum deferimus deponendā, pulchrā  
 sub cuius magnitudine hilarior cōquiescat.  
 Neq; enim debitum præclaris rebus precium suusq; honor  
 defertur, nisi præ sint illi fauentes, quorū virtus generosa,  
 in auitā turpi sine liturā continuādā famā excubat, & sa-  
 pientia pura nulli est sine commodo mortaliū. Vanum pro-  
 fecto, & inglorium negotium est, sine bonorato præstite  
 & cordato (qui non minus oblatū amat, capitq;) in omnes  
 promiscuè proiectum. Et quidē gentemne Tuam trabea-  
 tam in Te, an Te in ipsa admirabimur? Nunquam vetus  
 tempus sterilitatis facinorum Zebrzydovios arguebat:  
 nunquā recens. Non aliena, ignobilem per inertiam, su-  
 spiciendo merita, in communi cōcōnciuium gloriā, versari  
 A y ipsi



ipsis necessitas fuit, nisi proprijs, læti, gloriaretur trium-  
phis. Equidem aut galeati, sagatiq; hostilium inter ag-  
geres cadauerũ, fœdã natantium tabe, fessis cœdibus an-  
belando hæreret; vel mitratis, paludatisq; in sellã curruli,  
integritati Patriæ, & bono conciuũ, consilio cato, hæredi-  
tarium fuit providere. Neq; tantopere, trophæa illa, ar-  
cus, coronæ, statuæ, virtutem eorum dirigebant; quam a-  
mor Reipublicæ, quasi ex debito succendebat. Mittimus  
famosos illos, verè ciues Polonos, & viros Sarmatas, in  
lineam, nominatim reducere, quos honor annalium, pagi-  
nas suas angustans, fide intactã posteritati conseruat. In  
Te vno, Bellatoris illius, non morituræ memoriæ, Nicolai  
Palatini, & Capitanei Cracouieñ. verò nepote: nec dege-  
nere filio Ioannes Ensiferi; cui sub signis potius, & vexil-  
lis, inter feratas cohortes, gladio, contra inimicam vicini-  
am, quam ad fasces, & purpuram, dulci Patriæ, officium  
boni Ciuis, placuit adolere: tot sibi oblatis, remissis hono-  
ribus. In Te inquit vno, quem pertæsa moræ ante an-  
nos virtus, honesti seuem prætextã exiit, annosæ maioriũ  
exponitur nobis parerga gloriæ, breui in perfectã imagi-  
nem transitum. Redacta scilicet ad amissum honestate,  
Equitis Poloni: non es passus pueritiã inerti socordiã osci-  
tantem languere, non incultu virtutem obsolescere: ridi-  
culam rem esse elemētariũ senem tibi proponens. Magna  
promittit, & maioribus conformia, hæc ætas tua, quæ te-  
nerior



nerior ad huc iam desumavit, & feruore adolescentiæ in-  
domitum, non lassauit, sed extinxit. Excelsam spem of-  
fert dexteritas, in Comitibus generalibus Regni, inter tot  
motus fluctuantis Reipub. ad inuidiam exerta. Iremus  
nunc in vota, & acclamationes, quibus te numerosa Nobi-  
litas frequensq; Senatus adolescentē excipiebat: nisi fa-  
ma tua, publicæ dedicata panegyri omnium, memoriæ hæ-  
reat inculcata. Non igitur erramus, quod sub tuū nomen  
cum primitiis nostri honoris diuertamus. Tu tantum  
permitte primum hunc partem solatiij, quem duri laboris  
amaritudo parturit Tuæ magnitudini consecrare.

*Illustris & Magnificæ Dominaati-  
onis Vestræ*

*addictissimi.*





# Q V Æ S T I O

D E

## S O L V T I O N I B V S.

*Ad c. cum Canonicis Extra de Censibus  
Juncta L. Paulus ff. de Solutionibus.*

**V** • Monetâ quoad bonitatem  
intrinsecâ vel extrinsecam mu-  
tatâ, solutio census aut mutui  
sit facienda, iuxta valorem, quẽ  
tempore contractus, an quem  
tempore Solutionis moneta ha-  
bet? nec ne.

A j

CON



## CONCLUSIO I.

Monetâ in bonitate intrinsecâ, hoc est in materiâ, pondere, & quantitate, mutatâ: census soluendus est iuxta eam bonitatem, quam habuit tempore contractus, non autem quam habuit tempore Solutionis.

### COROLLARIA.

1. *Debitor integrum censum in bonitate de quâ conuentum est non soluens, sed aliquid imminuens de bonitate, tenetur integrum soluere, aliâs non liberatur.*

2. *Non solum character seu signum, sed etiam bonitas materiæ & pondus est attendendum.*

3. *In futurum solutio debet fieri ad monetam antiquam vel eius æstimationem, pro obligatione contractâ qua vigeat.*

4. *Quamuis tempore contractus contrahentes nullam faciant mentionem, ut census iuxta valorem tempore contractus soluatur: tacite nihilominus videtur actum esse, ut iuxta eum fiat solutio.*

CON-



## CONCLUSIO II.

Quoties pecunia eodem pondere & materia manentibus, vel augetur, vel minuitur extrinsecus quoad eius pretium & æstimationem: mutatio eius debitori, & obest & prodest.

### COROLLARIA.

1. In dote & locationis contractu tempus itidem contractus non solutionis attenditur, quoad bonitatem extrinsecam.

2. Si legatum sit particulare, tam rerum, quam pecuniarum, tempus testamenti non mors testatoris spectanda: secus si uniuersale.

3. Deficiente moneta antiqua, iuxta cuius valorem soluenda sit pensio: iuxta æstimationem solui debet, quæ erat tempore contractus.

4. Vbi aliquid dari vel tradi est in obligatione, satis est illud petere, licet non possit haberi: Iudex enim potest condemnare ad illud quod est in obligatione tradendum, vel ad eius æstimationem, licet æstimatio non sit petita in libello.

CON-



## CONCLUSIO III.

In mutuo si longo temporis interuallo monetae valor crescat vel decreascat, non tempus restituendi, sed dati mutui attendi debet.

### COROLLARIA.

1. Debitor non tenetur diem determinatum solutionis expectare, sed invito etiam creditori ante praestitutum tempus exolvere potest.

2. Licet ad valorem & aestimationem; debitor creditori teneatur, ad eiusdem tamen generis nummos exoluendos non tenetur, praesertim si non sit expressum in mutui contractu.

3. Si mutui tempore sit periculum crebrae mutationis monetae ac valoris, & tandem mutetur, non tenebitur debitor ad restitutionem mutui tempore contractus sed solutionis.

4. Invito creditore debitor liquidum debitum per partes minimè potest solvere sed in solidum: secus consentiente.



*Sub felicibus auspiciis*

Magnifici & Admod. Reuerendi Domini,  
D. ALBERTI BOROVII S. Theol: Docto-  
ris & Professoris, S. Floriani Custodis,  
Almæ Academiæ Crac: Rectoris  
Vigilantissimi.

*Decanatu verò*

Clarissimi & Admod. Reuerendi Domini,  
D. THOMÆ SWINARSKI, I. V. Docto-  
ris & Professoris, Vielunensis  
Canonici.


---

C R A C O V I Æ,

*In Officina Matthiæ Andreouienſis, Anno  
Domini 1638.*

22415.18







~~Quarantine de Rotterdam~~

~~Rechtspraak de Land~~